



Bosna i Hercegovina
Federacija Bosne i Hercegovine
Federalno tužilaštvo
Federacije Bosne i Hercegovine

Broj: A – 469/23

Sarajevo, 02.10.2023. godine

MH/BŽR

FEDERACIJA BOSNE I HERCEGOVINE
DOM NARODA PARLAMENTA FEDERACIJE BIH
ul. Hamdije Kreševljakovića br. 3
SARAJEVO

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 05-10-2023			
Org. jed.	Broj	Priloga	Vrijednost
05/2	- 02-	261	/23
05/2	- 02-	281	/23

PREDMET: *Odgovor na delegatsko pitanje, dostavlja se*

Veza: *Vaš dopis broj: 05/2-02-261,281/23 od 05.09.2023. godine*

Poštovani,

Federalno tužilaštvo Federacije BiH je dana 07.09.2023. godine zaprimilo Vaš dopis broj kao u vezi, kojim se dostavlja delegatsko pitanje delegata Šimunović Ive, a povodom statusa otkrivanja i procesuiranja počinilaca ratnih zločina počinjenih na području Općine Jajce za vrijeme ratnih dejstava 1992. godine i u periodu opsade Jajca od 1992. do 1995. godine.

Prvenstveno, cijenimo potrebnim istaći da je shodno odredbama Krivičnog zakona Bosne i Hercegovine, za procesuiranje predmeta protiv čovječnosti i vrijednosti zaštićenih međunarodnim pravom nadležno isključivo Tužilaštvo Bosne i Hercegovine, zbog čega je uputno da se za potpune informacije o takvim predmetima obratite navedenom tužilaštvu.

Nadalje, prema Revidiranoj državnoj strategiji za rad na predmetima ratnih zločina, u primjeni je mehanizam prijenosa manje složenih predmeta evidentiranih u Tužilaštvu Bosne i Hercegovine na tužilaštva entitetskog nivoa. Stoga, kako bismo Vam pružili odgovor u aspektu u kojem eventualno postoji nadležnost tužilaštava u Federaciji BiH¹, zatražili smo od Kantonalnog tužilaštva Srednjobosanskog kantona Travnik (koje je mjesno nadležno za područje Općine Jajce), podatke o eventualnim predmetima ratnih zločina koji se odnose na područje Općine Jajce i koji su tom tužilaštvu preneseni radi preduzimanja krivičnog gonjenja.

Sa time u vezi, obavještavamo Vas da je dana 27.09.2023. godine Kantonalno tužilaštvo Srednjobosanskog kantona Travnik obavijestilo da, u odnosu na predmete ratnih zločina koji se odnose na područje Općine Jajce, trenutno nema u radu predmeta u kojima provodi istragu protiv poznatih počinilaca. Međutim, u ranijim periodima, Kantonalno tužilaštvo Srednjobosanskog kantona Travnik je imalo u radu šest (6) takvih predmeta, koji su okončani, i to: tri (3) predmeta

¹ Imajući u vidu nadležnosti Federalnog tužilaštva Federacije BiH propisane odredbama Zakona o Federalnom tužilaštvu Federacije BiH („Službene novine Federacije BiH“ broj: 19/03), Federalno tužilaštvo Federacije BiH nije nadležno za preduzimanje krivičnog gonjenja, već za vršenje nadzora deset kantonalnih tužilaštava, u cilju garantovanja zakonitosti i efikasnosti postupaka.

obustavom istrage (jer nije bilo dovoljno dokaza da su osumnjičeni počinili krivično djelo² ili jer je osumnjičeni preminuo), jedan (1) predmet je preuzelo u rad Tužilaštvo BiH, jedan (1) predmet je okončan podizanjem optužnice što je rezultiralo donošenjem presude kojom je optuženi oglašen krivim zbog krivičnog djela Ratni zločin protiv ratnih zarobljenika iz člana 144. preuzetog KZ SFRJ³, te jedan (1) predmet u kojem je podignuta i potvrđena optužnica i raspisana potjernica za optuženog, koji je nedostupan bh. pravosuđu⁴.

U odnosu na predmete protiv nepoznatih počilaca, Kantonalno tužilaštvo Srednjobosanskog kantona Travnik evidentira deset (10) takvih predmeta u kojima se provodi istraga, zbog krivičnih djela Ratni zločin protiv ratnih zarobljenika iz člana 144. preuzetog KZ SFRJ ili pak krivičnog djela Ratni zločin protiv civilnog stanovništva iz člana 142. stav 1. preuzetog KZ SFRJ).

S poštovanjem,



GLAVNI FEDERALNI TUŽILAC

Munib Halilović

² U predmetima sa poznatim počiniocem koji su okončani naredbom o obustavi istrage jer nema dovoljno dokaza da je osumnjičeni počinio krivično djelo, donesena je naredba o provođenju istrage protiv NN počinioca i poduzimaju se istražne radnje.

³ Jozo Lovrenović, zvani "Cole", po optužnici KT SBK broj: T06 0 KTRZ 0017536 16, oglašen je krivim da je počinio krivično djelo "Ratni zločin protiv ratnih zarobljenika" iz člana 144. preuzetog KZ SFRJ.

⁴ Optužnica KT SBK broj: T06 0 KTRZ 0019289 16 od 04.01.2018. godine, protiv optuženog Perak Ilije.